



Broj: 02/c-11-1955/25-4
Sarajevo, 13.11.2025. godine

Na osnovu čl. 64. stav (1) i 70. Zakona o javnim nabavkama ("Službeni glasnik BiH" br. 39/14, 59/22 i 50/24) i Zapisnika o pregledu i ocjeni ponuda Komisije za provođenje postupaka javne nabavke Doma naroda Parlamenta Federacije Bosne i Hercegovine broj: 02/c-11-1955/25-3 od 12.11.2025. godine, sekretarka Doma naroda Parlamenta Federacije BiH donosi:

ODLUKU

o izboru najpovoljnijeg ponuđača za nabavku i nadogradnju
komponenti audio-vizuelnog konferencijskog sistema za potrebe Parlamenta Federacije BiH

Član 1.

Prihvata se preporuka Komisije za provođenje postupaka javne nabavke Doma naroda Parlamenta Federacije Bosne i Hercegovine iz Zapisnika o pregledu i ocjeni ponuda, broj: 02/c-11-1955/25-3 od 12.11.2025. godine i ugovor za javnu nabavku i nadogradnju komponenti audio-vizuelnog konferencijskog sistema za potrebe Parlamenta Federacije Bosne i Hercegovine se dodjeljuje ponuđaču **AVC d.o.o. Sarajevo**, Azize Šaćirbegović 7, 71000 Sarajevo, IDB 4200025900000 s konačnom cijenom bez PDV-a u iznosu od 54.970,00 KM, kao ponuđaču koji je ponudio najnižu cijenu.

Član 2.

Izabrani ponuđač dužan je dostaviti dokaze o kvalificiranosti u pogledu lične sposobnosti u roku od pet (5) dana od dana prijema obavještenja o izboru najpovoljnijeg ponuđača, prema tački 12.1. Tenderske dokumentacije za nabavku i nadogradnju komponenti audio-vizuelnog konferencijskog sistema za potrebe Parlamenta Federacije BiH, broj: 02/c-11-1955/25 od 20.10.2025. godine.

U slučaju da izabrani ponuđač propusti dostaviti uredne dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, ugovorni organ će ponuđača isključiti iz učešća u postupku nabavke.

Član 3.

Prijedlog ugovora o nabavci dostavit će se na potpis izabranom ponuđaču **AVC d.o.o. Sarajevo** nakon isteka roka od 15 dana, računajući od dana kada je ponuđač obaviješten o izboru najpovoljnije ponude.

Član 4.

Ova odluka objavit će se na web-stranici Doma naroda Parlamenta Federacije Bosne i Hercegovine, istovremeno s upućivanjem ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

13.11.25 / Kurir 2

Član 5.

Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke, shodno članu 71. stav (2) Zakona o javnim nabavkama.

O b r a z l o ž e n j e

Komisija za provođenje postupaka javne nabavke Doma naroda Parlamenta Federacije Bosne i Hercegovine imenovana je Rješenjem broj: 02/c-11-417/25 od 5.2.2025. godine. Postupak javne nabavke pokrenut je Rješenjem o provođenju postupka nabavke i nadogradnje komponenti audio-vizuelnog konferencijskog Sistema za potrebe Parlamenta Federacije BiH, broj: 02/c-11-1955/25 od 16.10.2025. godine. Procijenjena vrijednost javne nabavke je 55.000,00 KM bez PDV-a. Javna nabavka je provedena putem otvorenog postupka.

Obavještenje o nabavci broj: 56-1-1-63-3-24/25 objavljeno je na Portalu javnih nabavki 20.10.2025. godine i isti dan upućeno na objavu u Službeni glasnik BiH.

Na navedeni zahtjev za dostavu ponuda blagovremeno je pristigla jedna ponuda. Komisija je, 11.11.2025. godine u 9.30 sati izvršila javno otvaranje ponude o čemu je sačinila Zapisnik o otvaranju ponuda i uputila ga ponuđaču. Na sjednici održanoj 12.11.2025. godine u periodu od 16.00 -17.00 sati, Komisija je izvršila pregled i ocjenu dostavljene ponude, te ocijenila prihvatljivom ponudu ponuđača AVC d.o.o. Sarajevo.

Obzirom da je pristigla jedna prihvatljiva ponuda, e –aukcija nije zakazana.

Komisija je dostavila 12.11.2025. godine sekretarki Doma naroda Zapisnik o pregledu i ocjeni ponuda, broj: 02/c-11-1955/25-3 od 12.11.2025. godine, koji istovremeno predstavlja i preporuku Komisije o izboru najpovoljnijeg ponuđača za nabavku i nadogradnju komponenti audio-vizuelnog konferencijskog sistema za potrebe Parlamenta Federacije Bosne i Hercegovine, radi donošenja Odluke o izboru najpovoljnijeg ponuđača.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranog ponuđača te ocjenu prispjele ponude, shodno kriterijima iz Tenderske dokumentacije. U postupku ocjene provedenog postupka sekretarka Doma naroda nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za provođenje postupaka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stava (1) tačka b) i člana 70. Zakona o javnim nabavkama, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset dana od dana prijema ove Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, koji ne može biti manji od tri.

Dostavljeno:

- Sekretarki Doma naroda,
- AVC d.o.o. Sarajevo, Azize Šaćirbegović 7, Sarajevo,
- Komisiji za provođenje postupaka javne nabavke Doma naroda,
- Odsjeku za računovodstvo, financije i proračun,
- a/a.

SEKRETARKA
DOMA NARODA

Adna Hadžić-Salkić

